

Jangan terlalu harap pihak lain pertahankan negara - PM

UM 21 NOV 1988

LUMUT 20 Nov. - Perdana Menteri Datuk Sri Dr. Mahathir Mohamad hari ini mengingatkan anggota-anggota pasukan keselamatan supaya jangan terlalu berharap kepada pihak lain bagi mempertahankan negara.

Katanya, sekalipun Malaysia mempunyai rakan untuk memberi pertolongan kiranya berlaku sebarang perkara yang tidak diingini, tetapi akhirnya pertahanan dan keselamatan negara terletak di tangan kita sendiri.

Menurut Perdana Menteri yang juga Menteri Pertahanan, pertolongan yang

diberi oleh pihak lain walau jujur sekalipun sudah tentu terhad.

"Kitalah yang akan menentukan nasib dan masa depan negara kita," tegas beliau ketika merasmikan pembukaan Markas Panglima Armada dan Sistem Komunikasi Tentera Laut Diraja Malaysia di sini pagi ini.

Inilah lawatan beliau yang kedua ke markas tersebut setelah lawatan kali pertama pada tahun 1981.

Datuk Sri Dr. Mahathir juga mengingatkan anggota

keadaan berwaspada memandangkan, beberapa pergolakan yang berlaku di rantau ini.

Tambah beliau, TLDM telah maju ke hadapan dengan kelengkapan yang moden dan serba sofistikated sejajar dengan perkembangan dan pemodenan TLDM keseluruhannya.

Perdana Menteri berkata, pemodenan dan pembesaran angkatan itu adalah perlu memandangkan tanggungjawab yang kian bertambah.

Beliau menyebut, kerangka telah banyak membebankan wang dalam me-

nyediakan berbagai kemudahan infrastruktur bagi kegunaan anggota TLDM yang semakin bertambah.

Beliau percaya kemudahan tersebut akan dapat digunakan dengan sepenuhnya.

Datuk Sri Dr. Mahathir memberitahu, pemodenan sesuatu angkatan tentera tidak semestinya memerlukan kejayaan.

Apa yang diperlukan, tambah beliau, ialah para anggota yang berdisiplin, bermotivasi, dedikasi dan cekap.

Beliau menekankan bahawa di samping itu keceka-

man anggota tentera mestilah sentiasa bersikap positif dan berani dalam menjalankan tugas seharian.

Beliau juga memberitahu para pemberita, kemudiannya beberapa bahagian tertentu projek penyediaan kelengkapan di limbungan kapal TLDM Lumut di sini mungkin akan diswastakan.

Kata beliau, rancangan itu akan dibuka kepada pihak swasta yang menunjukkan minat untuk melengkapkan kemudahan yang diperlukan jika mereka bersejua dengan syarat-syarat yang ditentukan oleh kerajaan.

Kata beliau, beberapa projek tertentu terutama di bahagian limbungan sedang berjalan lancar sekalipun ada bahagian yang belum disiapkan.

Untuk tindakan selanjutnya, kata beliau, kerajaan mungkin akan menswastakan di bahagian tertentu, terutama bahagian penyediaan kelengkapan.